

新纂雲南通志卷七十二目錄

藝文考二

滇人著述之書二

史部

詔令奏議類

傳記類

史鈔類

地理類

省府廳州縣志

山川河渠

邊防

新纂雲南通志

卷七十二 藝文考二 目錄

雜誌

職官類

政書類

目錄類

史評類



新纂雲南通志卷七十二

藝文考二

滇人著述之書二

史部

詔令奏議類

關中奏議十卷

明楊一清撰一清字應寧安寧人成化壬辰進士官至華蓋殿大學士諡文襄事蹟具明史及本志列傳是書四庫史部詔令類提要云以其生平章疏分爲五類卷一卷二曰馬政類卷三曰茶馬類弘治十五年以副都御史督理陝西馬政時所上卷四卷五卷六曰巡撫類則寇入花馬池命巡撫陝西時所上卷七卷八卷九

曰督制類則正德初寇犯固原隆德一清以延綏甘肅寧夏有警不相援患無所統攝請遣大臣領之即命一清總制時所上第十卷曰後總制類則其忤劉瑾致仕後以安化王寘鐸反復起時所上也以所陳多陝甘邊事故以關中爲名嘉靖初始刊行於南京其間所載不盡皆一清奏稿凡當日部臣覆疏及前後所奏諭旨編入之故於時事本末頗爲詳盡史稱一清官陝西提學副使時即詳究邊情利弊嘗當羽書旁午一夕草十疏悉中機宜其才一時無兩或比之姚崇云清嘉慶間五華書院重刻雲南督學使者吳縣顧莼有序收入雲南叢書

宸翰錄四卷

明楊一清輯一清見前條是書嘉靖間刻後有翰林侍讀學士經



筵講官兼修國史徐縉序其序文曰少師兼太子太師吏部尙書  
謹身殿大學士石淙楊公錄皇上所賜詩歌敕諭及御筆批答見  
於公之表疏者凡三卷（書四卷原文作三卷）題曰宸翰昭天  
寵也茲據國立北平圖書館藏本著錄雲南叢書處逡鈔收入叢  
書二編

密諭錄七卷閣議錄四卷

明楊一清撰一清見前條是書明鈔本藏國立北平圖書館密諭  
錄凡七册三百六十八篇首册有明善堂覽書畫印記安樂堂藏  
書記二小印閣議錄共四册一百六十五篇密諭錄卷一學諭卷  
二禮諭上卷三禮諭中卷四禮諭下卷五政諭上卷六政諭中卷  
七政諭下閣議錄卷一嘉靖五年十一月至六年六月奏對卷二  
六年六月至七年奏對卷三八年正月至八月奏對卷四爲奏議  
嘉靖五年至八年二月雲南叢書處逡鈔收入叢書二編

南崖奏議

明李素撰素字元白雲南縣人弘治乙卯舉人官至江西按察司  
僉事萬曆志已著錄

琢庵奏議十卷

明毛玉撰玉字用成號琢庵昆明人弘治乙丑進士官至戶科左  
給事中大禮議起被廷杖死穆宗即位贈光祿寺卿事蹟見明史  
及本志列傳康熙志云是編俱切中國事惜其書不傳道光志已  
著錄

宗月奏疏三卷



明何邦憲撰邦憲字宗月賓川人正德辛未進士官至知府道光志已著錄

肅庵奏議

明楊僕撰僕字肅庵臨安衛人嘉靖丙戌進士官吏科給事中天啓志已著錄

三巡疏要

明段承恩撰承恩字德夫號午衢晉寧人嘉靖壬辰進士官至辰州府知府承恩嘗官御史扈駕至承天回奉命按遼東又按順天又按蜀未至出守故曰三巡滇詩略承恩小傳稱其書已佚道光志已著錄

南垣疏草

明萬文彩撰文彩字國華號潯南建水人嘉靖戊戌進士官至廣西布政使左參政天啓志已著錄

養乾奏議

明蕭崇業撰崇業字允修號養乾臨安衛人隆慶辛未進士官至右僉都御史提督操江嘗使琉球著航海賦甚瑰麗是書道光志已著錄航海賦臨安府志收之

西臺奏議

明史旌賢撰旌賢字廷俊雲南縣人萬曆庚辰進士官至廣東布政司左參政道光志已著錄

道南疏草

明楊師程撰師程字道南安寧人萬曆戊戌進士官至御史是書



道光志已著錄僅列疏草二字應加爲道南疏草

伯舉諫草

明王元翰撰元翰字伯舉號聚洲寧州人萬曆辛丑進士官工科給事中事蹟見明史及本志列傳是書光緒續志已著錄

劉中丞奏稿八卷

清劉岷撰岷字韞齋景東人道光辛丑進士選庶常授編修歷官湖南巡撫是書前有遺象奏稿自成豐元年至光緒八年爲起止光緒乙未刻於上海

傳記類

周太僕忠烈集

明劉慶增撰慶增蒙化人是書爲明長沙知府蒙化周二南死難

遺事而作前有序乃同邑舉人張辰照代撰道光志已著錄

年譜詩話一卷

明何蔚文撰蔚文字稚玄浪穹人永曆丁酉在滇開科中式舉人是書爲蔚文自編年譜蔚文生天啓乙丑正月十二日卒康熙己卯七月初八日年七十五譜自始生至臨終前一月皆自編一年有一事一年有數事不定事後間繫以詩詩亦敘事而已

楚珍自編年譜

清尹壯圖撰壯圖字萬起一字楚珍蒙自人乾隆丙戌進士官內閣學士是書壯圖自編始乾隆戊午止乙卯凡五十有八年嘉慶丙辰至戊辰十三年其子佩珩佩環佩恩續於壯圖自記五十八年中佩珩等多加按語雙行側注以別之合續編十八年壯圖生



平出處皆具論世知人藉可考見佩珩等已刻行收入雲南叢書  
二編

李復齋先生年譜二卷

清楊勳編勳字與之昆明人是書爲其師李文耕復齋而作文耕  
生乾隆壬午十一月三十日卒道光戊戌四月初二日年七十七  
昆明陳榮昌有序

示兒錄二卷

清竇埈撰埈字子培號蘭泉羅平人道光己丑進士官江西道監  
察御史貴州知府是書乃自撰年譜云埈年五十六兒纔兩歲引  
灑岡阡表不及見兒之成立也後當以我語告之夫屬人告之何  
如自書以貽之之確倘及見兒之成立而自告之則此書爲贅固

厚幸也時咸豐庚申

趙文恪公自訂年譜

清趙光編光字蓉舫號退庵昆明人道光庚辰進士選庶吉士由  
編修歷官至刑部尚書卒諡文恪是譜爲光自嘉慶二年丁巳四  
月二十八日生至同治四年年六十九止皆自編訂卒後嗣子廷  
璜加上諭諭祭文御賜碑文等於前付梓行世

表微錄二卷

清李從綱等輯從綱昆陽人是書從綱祖李兆旂明季官廬江訓  
導流寇攻城急分守北門城陷不屈與幼子淳俱死其子澄拔貢  
候選知縣聞耗奔喪匍匐宵晝行數千里經賊中幾死得收骨歸  
葬訖白州府父死狀以聞於朝崇祀鄉賢更特建祠曰靖忠澄死



鄉人私諡孝穆澄子從綱登康熙丙子賢書試於春官乞長沙韓  
葵海寧許汝霖澂江趙士麟昆明王思訓爲之傳黃安張希良爲  
之志墓長洲彭定求爲之贊一時省內外爲之歌詠從綱等編爲  
二卷上卷文下卷詩詞賦廬江宋嵩南德州孫子米盱江魏魯鋒  
上元黃際飛爲之鑒定昆明王疇五螳江段浴川晴川昆明余仲  
遠孫南村爲之校閱浴川仲遠並爲之序從綱等刊行於世

### 滇釋紀四卷

清釋圓鼎撰圓鼎字和空一字青庵蒼山比丘是書卷一法源一  
則應化十一人隋唐至元釋八十四人卷二明釋九十人卷三清  
釋三十四人卷四雜科十七人補遺八人後有自跋收入雲南叢  
書

### 楊文襄公事略

清朱淳輯淳字風古安寧人是書前有文襄象雲南叢書處重加  
整理收入二編前有淳序後有袁嘉穀跋

### 段恭節昭忠祠祀紀實二卷

清段繩祖繹祖同輯繩祖繹祖劍川人是書爲其祖高選殉難得  
賜諡恭節建祠後哀集御祭文暨其他雜作而成

### 景忠集

清傅爲訥張漢同輯爲訥漢均見本書列傳是書爲明昆明趙譔  
賜諡時徵集而成前有景忠祠祀周於禮重修景忠祠前觀音堂  
記任澍南忠愍公遺象記景忠集跋爲訥請諡疏禮部題奏奉旨  
得諡忠愍文漢祭文徵詩啓徵得六十一人之詩殿後乾隆初刻



行於世道光己酉譔後裔重刊

忠節錄三卷

清楊天恩等輯天恩字未詳路南人乾隆乙丑進士是書爲其高祖楊以成萬曆中由貢生授貴陽通判理畢節衛事秩滿進同知仍治畢節安邦彥反圍貴陽以成具蠟書乞援於雲南巡撫沈敬炘書發而賊已至戰卻之賊來益衆以成遣吏懷印間道趨省身督吏民拒守會援兵至賊方夜逃而衛吏阮世爵爲內應城遂陷以成倉皇投繯賊繫之去乃爲書述賊中情形置竹筒中遣弟以榮赴雲南告變至散納溪賊搜得其書並以成殺之家屬死者共十三人崇禎元年以成子舉人興南請卹得贈光祿寺卿予祭葬有司建祠立祀清乾隆間天恩居京師念其祖大節願大人君子

一言以光先烈而同鄉京官奉天府丞傅爲訥內閣學士陳世烈順天府尹李因培等爲當代鴻儒爲之題詠厥後屢有題者彙集成書編次未善民國十一年其裔孫楊含泰等請雲南叢書處審查重刊袁嘉穀爲之理董編爲三卷卷一遺像像贊明史本傳明思宗諭祭文諭葬文暨貴州雲南官紳請卹之疏呈與孫鵬之楊公傳雲南通志楊公傳卷二上旌忠引勝聯詩詞卷二下旌聯詩詞趙藩楊含泰等序於前袁嘉穀李秉鈞跋於後收入雲南叢書一二編

人鑑

清喻懷信撰懷信字仲孚南寧縣人服官黔省所至有政績循聲是書凡上編十八篇下編八篇總二十六篇一百四十八卷其凡



例云創始於道光乙巳至庚戌而漢唐宋明四代脫稿覆閱一過覺去取刪削未能盡善乃復棄去重載筆於咸豐辛亥中經喪亂雖流離顛沛轉徙於蜀楚燕薊但有書可借即陸續編摩告成於同治乙丑季冬巴郡寓廬計先後從事閱時廿年而始成昔班孟堅作古今人表旨趣歸乎顯善昭惡勸戒後人劉念臺作人譜三篇及類記六卷意在改過遷善超凡入聖是書繼人表人譜而作定名人鑑宗旨無殊而典實詳贍最便披覽蓋不啻通典通志之後繼以通考各有取義勿容偏廢惟以近世新史學之眼光分別觀察之則如以謝安列入德業以王安石列入陰險以張居正置諸不論不議之類其所去取予奪殊未盡當然此乃小疵未足爲大醇之累收入雲南叢書因卷帙繁夥待刊

### 古今詩人小傳二卷

清段克瑩撰克瑩見前經部諸經總義類是書始於唐虞賡歌下及近代詞人人各立傳經濟事實著作行藏悉具簡端其文則各體咸備允追韓歐小品之遺道光志已著錄

### 後漢書孝弟錄

清吳樹聲撰樹聲見前經部詩類是書光緒續志已著錄

### 滇詩人傳

清任榮埜撰榮埜字秋航石屏諸生光緒志已著錄

### 甘潤之先生年譜

清甘孟賢述潤之名兩姚安貢生官廣西州學正子孟賢同治癸酉舉人俱詳列傳是書前有劉安科撰傳附甘孝子季賢傳王先



謙撰墓誌銘後有李賢撰事狀

甘隨安年譜

清甘孟賢撰孟賢見前條是書爲其弟季賢而作季賢孝廉殉父而平日之孝與學問人品均爲時所稱前有孟賢序後有仲賢撰事狀

建威將軍四川提督唐公年譜

清唐學鴻述學鴻字百川大關人是書學鴻述其父友耕生平戰績甚夥而於友耕部下唐大有楊應剛等生禽石達開事尤詳前有四川總督趙爾巽及許涵度序後附錄翰林院編修伍肇齡等懇四川總督趙爾巽據情奏請四川省城指建專祠並將生平戰績編入國史館傳呈文並生平事蹟清摺趙爾巽奏稿光緒三十

四年戊申學鴻自識鈔板

史鈔類

史鑑撮要

明張素撰素字秀文號碧泉安寧人嘉靖癸未進士官至四川巡撫道光志已著錄

世紀錄

明何邦漸撰邦漸字文槐號紹渠浪穹人隆慶二年選貢生官下邳州知州詳列傳是書光緒續志已著錄

列國撮要

清許肇恆撰肇恆河西人乾隆四十九年歲貢生道光志已著錄  
史筌六卷



清楊銘柱輯銘柱字崑峯尋甸人道光丙申進士官御史是書爲鄉之幼學而輯首編次帝王世統始皇古迄故明而世統有圖紀年有歌次取杜紫綸讀史論略詳注之其師昆明戴綱孫訂其譌凡數十處杜翻嘉之與二三同人出俸錢爲付梓前有自序收入雲南叢書

兩漢粹語

清吳樹聲撰樹聲見前經部詩類是書光緒續志已著錄

歷代史略一卷

清毛揚坊撰揚坊字翰聲石屏人諸生是書爲課兒輩史學上自三皇下逮朱明輯爲一書其用力亦云勤矣書中用韻多從俗卷首有自撰弁言及朱家寶胡商彝序刻於天津

地理類

省府廳州縣志

晉寧州志

明朱克瀛輯克瀛字孔淵晉寧人景泰癸酉舉人官定州訓導弘治丙辰成書道光志已著錄

晉寧州志

明王昱撰喻敬刊昱晉寧人天順壬午舉人弘治間官永川縣知縣敬字修己內江人舉人時官晉寧州知州道光志已著錄

騰司志稿

明易翼之撰翼之見前經部春秋類是書道光志已著錄

雲南通志十七卷



明李元陽撰元陽字仁甫號中溪太和人嘉靖丙戌進士官至荊州府知府自序稱正德間前輩括圖經爲雲南志尙多闕略隆慶六年關西蘭谷鄒公開府南中按隆慶間雲南巡撫鄒應龍長安人進士謂陽齒居鄉右因屬筆焉首地理次建設賦役兵食學校科目官師人物祠祀寺觀藝文雜志以十二類爲一十七卷明史藝文志地理類已著錄江蘇任鳳苞收藏一部晉寧方樹梅託任氏曬藍一部歸滇通志館長劍川周鍾嶽商之省府主席龍雲由商務印書館重印五百部

### 大理府志十卷

明李元陽撰元陽見前條先是嘉靖丙戌太和楊士雲與元陽同修新都楊慎爲之序至是元陽重修爲十卷書成於萬曆丁丑明史藝文志地理類已著錄

### 騰越州志二卷

明吳宗堯輯宗堯字協卿騰越人嘉靖癸卯舉人官至延平府同知道光志已著錄

### 夔府志

明樊巍撰巍字松巒鶴慶人嘉靖甲午舉人官良鄉縣知縣改夔州府教授是書道光志已著錄

### 嘉靖貴州圖經新志十八卷

明趙讚撰讚太和人官貴州宣慰使司儒學教授是編成於嘉靖中四庫史部地理類存目提要云其凡例謂舊志考究採掇挂漏可笑然此書亦殊舛漏如第二卷內所載題詠每詩皆取一句大書於上而以全詩細字分註於下是何體例也道光志已著錄



通志草二十卷

明包見捷修見捷字汝鈍建水人萬曆乙丑進士官至吏部左侍郎事蹟見明史及本志列傳是書未刻天啓間昆明劉文徵纂滇志取爲藍本例言明言之

滇志三十三卷

明劉文徵修文徵字右吾昆明人萬曆癸未進士官太僕寺卿是編彙取悉本包見捷志草首有凡例五則詳述纂修之由次列李元陽序例六則次列包見捷志草例言八則內分地理旅途建設賦役兵食學校官師人物祠祀方外藝文羈縻雜搜遺諸志滇中疊遭兵火其書久不得見諸城鄧村棣華屋尹氏收藏一部後輾轉歸湘鄉陳氏毅又流入北平爲國立北京大學購得之中央研

新纂雲南通志

卷七十二 藝文考二 滇人著述之書二

一一

究院歷史語言研究所曬藍一部避寇攜滇北平昆華兩圖書館假鈔副本

浪穹縣志八卷

明何邦漸編邦漸見前史鈔類先是萬曆庚子邦漸創輯邑志丙午始成而刻之爲卷十二天啓甲子冬復爲續補訂爲八卷道光志已著錄

崇禎碭山縣志二卷

明劉芳撰芳字百子石屏人天啓甲子舉人官碭山縣知縣四庫史部地理類存目提要云先是萬曆戊午知縣陳秉良屬邑人王文煥撰縣志二句而成崇禎己卯芳復與邑人汪用霖續修此編其沿革載東漢爲梁國碭山縣不知東漢時沛國亦分界其地又



云近省歸夏邑不知南畿志載晉下邑即碭地非省併也又以下邑作夏邑更誤矣又分門至四十二率多冗雜如既以水土爲一門又以風俗爲一門以古蹟爲一門又以八景爲一門殊紛紜少緒也

### 太和縣志

明張相度纂相度號十九峯山民太和人明季遺民道光志已著錄

### 通海縣志八卷

清闕禎兆修禎兆字東白通海人康熙癸卯舉人康熙三十年成書道光志已著錄前有范承勳序及自序

### 續河南府志

新纂雲南通志 卷七十二 藝文考二 滇人著述之書一  
清張漢撰漢字月槎石屏人康熙癸巳進士選庶吉士授檢討出爲河南府知府罷歸乾隆丁巳召試博學鴻詞復授檢討官至山東道御史是書光緒續志已著錄

### 麗江府志二卷

清萬咸燕創輯咸燕字舒仲號和齋石屏人康熙辛丑進士官麗江府教授凡十有七年輯志草十卷乾隆庚申知府事管學宣同咸燕增校成編訂爲二卷癸亥付梓

梁之相雲  
南方志考

### 臨安府志二十四卷

清夏冕纂修冕字冠侯昆明人雍正丁未進士官臨安府教授雍正己酉知臨安府張無咎踵康熙壬子知府事程應熊所纂殘鈔本而修之書未成擢任鹽道迺付冕總其任雍正辛亥成書

梁之相雲  
南方志考



安寧州志二十卷

清段昕修昕字浴川安寧人康熙庚辰進士官戶部湖廣司主事  
雍正九年楊若椿知州事屬昕纂輯若椿河南人貢生乾隆四年  
知州事何齊聖補刊齊聖金谿人雍正癸卯進士是書道光志已  
著錄

白鹽井志四卷

清趙淳纂淳字粹標趙州人雍正丁未進士官順寧府教授先是  
雍正六年提舉司劉邦瑞因貢生陳廷佐彙本輯爲四卷至是郭  
存莊提舉井事屬淳修輯仍其卷數乾隆二十三年成書道光志  
已著錄

續修琅鹽井志四卷

清趙淳纂淳見前條井志創輯於康熙五年提舉司來度凡六卷  
五十一年提舉司沈鼎修爲四卷乾隆二十一年孫元相提舉井  
事屬淳續修仍爲四卷元相諸城人貢生道光志已著錄

易門縣志十二卷

清董良材修良材易門人雍正庚戌進士官至都勻府同知邑志  
創輯於明邑人歐憲康熙五十九年重修俱未刊乾隆四十二年  
董爾芳始爲付梓爾芳滿洲人官魯甸通判署易門縣知縣道光  
志已著錄

霑益州志四卷

清唐時勳編時勳嵩明人雲南府諸生郡志創輯於明郡諸生孔  
之裔雍正十一年知州事杜思賢得於之裔子貢生孔某字泗英



訂爲志草六卷未刻乾隆三十四年署州事王秉韜屬時勦修爲四卷付梓道光志已著錄

### 路南州志四卷

清郭廷選修廷選寧州人雍正丙午舉人官路南州學正郡舊惟鈔本州志紀略康熙五十一年知州事金廷獻輯爲四卷乾隆二十二年知事史進爵屬廷選續修仍爲四卷進爵新安人舉人道光志已著錄

### 趙州志四卷

清趙淳杜唐同修淳見前頁唐字亞李趙州人雍正己酉拔貢生郡志創輯於明萬曆十五年知州事莊誠雍正間知州事史增以明志失次重修未梓至是程近仁知州事屬淳唐同修乾隆元年

書成近仁錢塘人貢生道光志已著錄

### 續修通海縣志

清沈詠編詠字賡揚通海人乾隆丙辰舉人官渭源縣知縣道光志已著錄

### 續增石屏州志二卷

清羅元琦纂元琦字用璞號崑圃石屏人乾隆戊午舉人官隴川縣知縣先是知州事管學宣增訂州志爲八卷至是呂纘先署州事屬元琦續增二卷乾隆四十五年成書纘先長壽人吏員

道光志

### 雲南縣志四卷

清李世保張聖功同撰世保號柳亭德州人乾隆丁卯順天舉人官雲南縣知縣聖功字元極雲南縣人乾隆丙辰進士官廣南府



教授邑舊無志先是知縣事謝聖綸始創輯之至是世保與聖功同修爲四卷乾隆丁卯成書光緒志已著錄

### 昆陽小志

清遲祚永撰祚永字卜年昆陽人乾隆丁卯舉人欽賜翰林院典簿光緒續志已著錄

### 江川志草二十九卷

清葛煒輯煒字麗南江川人乾隆戊申舉人道光志已著錄  
續修蒙化直隸廳志六卷

清徐時行姚賀泰同纂時行蒙化人乾隆丙戌進士官井陘縣知縣賀泰蒙化人乾隆壬申舉人官鎮平縣知縣乾隆五十五年成

書道光志

### 景東直隸廳志二十八卷

清羅含章修含章後復姓程號月川景東人乾隆壬子舉人累官副都御史巡撫廣東山東江西浙江廳志創輯於康熙十二年景東廳同知胡向極僅志草一卷雍正五十年同知徐樹閔教授張問政同修乾隆五十四年同知吳蘭孫重修嘉慶十八年同知張志學再修爲二十二卷俱未刻至是含章官廣州府知府廳人寄彙屬修始增輯付梓嘉慶二十五年成書道光志已著錄

### 鄧川州志六卷

清艾濂纂濂鄧川人嘉慶戊辰進士官寧國縣知縣郡志創輯於明嘉靖間郡人楊南金崇禎間郡人艾自修重纂三閱歲始成乾隆中郡人高上桂復加編輯未刻至是濂續纂而完之道光五年



成書道光志已著錄

### 大姚縣志三卷

清劉榮黼修榮黼號春舫大姚人嘉慶戊辰進士改庶吉士授編修官至貴陽府知府邑志創輯於康熙間知大姚縣事吳繩武未經付梓至是榮黼得繩武彙十之三四纂成刻之嘉慶庚午成書道光志已著錄

### 昆明縣志稿

清戴綱孫撰綱孫字鳳裁一字筠帆昆明人道光己丑進士官御史縣舊無志書綱孫始為創輯成稿未刊是書光緒續志已著錄

按是書已於光緒中由昆明五會紳耆籌貲創刷板原存文廟梓香樓今移度昆華圖書館

### 鄧川州志

新纂雲南通志

卷七十二 藝文考二 滇人著述之書二

七

清侯允欽修允欽字雲波鄧川人道光乙未舉人州志自道光五

年州進士艾濂修後至是允欽重修咸豐三年成書

梁之相雲南方志考

### 續修安寧州志五卷

清郎榮徐嘉禾傅維經同纂安寧州志明崇禎間州牧鍾萬璋纂修康熙壬申州牧丁宗閔己丑州牧高鈐先後重修雍正九年州牧楊若椿屬州人段昕復修乾隆四年昕子一驤補修校槧至是州牧敦時郁迺屬榮等續修之光緒五年成書僅刻續編舊志未與俱刻榮歲貢生嘉禾維經恩貢皆州人

梁之相雲南方志考

### 新平縣志

清龔純儒修純儒新平貢生縣志自道光六年知縣李誠修後至是純儒重修光緒十年成書未刊

光緒志



續修嵩明州志八卷

清梁恩明王沂淵同修嵩明志明嘉靖間舉人楊松年已有纂輯萬曆初知州事章闡然纂修萬曆己亥中都勻尙義任知州又重修之卷目皆不可考康熙五十九年知州事汪照復修釐爲八卷至是恩明沂淵續修之光緒十三年丁亥成書槧行恩明字介石寶寧人光緒二年官嵩明州訓導沂淵建水人光緒四年官嵩明

州學正

梁之相雲南方志考

龍陵廳志

清寸開泰撰開泰騰越人

姚州志十一卷

卷首一卷

清甘雨纂修雨字潤之見前史部傳記類姚州志創輯於明天啓

新纂雲南通志

卷七十二 藝文考二 滇人著述之書二

一八

間陶琪康熙五十一年州牧管楡成書四卷道光十三年學正王堽與大成書院主講王安庭同修爲五卷至是雨重修之爲卷十二光緒十一年成書知州張禮堂爲之槧行

梁之相雲南方志考

續修順寧府志三十八卷

清周宗洛纂修宗洛太和人歲貢順寧府志康熙壬戌知府瀋陽劉芳聲草創志略雍正乙巳知府吳縣范溥因其遺稿編爲十卷乾隆辛巳知府新鄭劉培仍因之撰成十卷光緒壬寅知府黨蒙倡修以宗洛總其成分天文地理建置食貨學校武備祠祀秩官選舉人物藝文雜誌十二門光緒甲辰成書

梁之相雲南方志考

山川河渠

黑水集證一卷



明楊士雲撰士雲見前經部樂類是書道光志已著錄  
泉河志

明張橋撰橋字衡如昆明人嘉靖己未進士歷官工部主事寧夏  
兵備僉事

虎邱志溫泉志

明楊泰撰泰字天開安寧人崇禎壬午舉人虎邱山在安寧城北  
二里許溫泉在城北十五里許皆名勝地泰因各纂爲志道光志  
已著錄

雞足山志

清高翥映纂翥映見前經部易類是書以釋大錯所修爲藍本康  
熙四十餘年成書道光志已著錄現存姚安由雲龍涵翠樓

新纂雲南通志

卷七十二 藝文考二 滇人著述之書二

一九

溫泉圖經四卷

清段昕撰昕見前本類省府廳州縣志項是書道光志已著錄

滇南山水綱目二卷

清趙元祚撰元祚字葭湄號我軒昆明人寄武定學康熙乙酉舉  
人官金華縣知縣是書於滇南山脈水系已得其要道光志已著  
錄清光緒間重刻劍川周鍾嶽有序收入雲南叢書趙藩復序之  
迤江圖說一卷平滇道路考一卷西藏指掌一卷

清何其僕撰其僕字天成號六谷別號洞虛子石屏人康熙間貢  
生道光志已著錄

滇南山水考略賓陽紀略詩

清何應清撰應清字景襄賓川人乾隆間歲貢生

道光志



盤龍山紀要四卷

清方秉孝輯秉孝字行先號農髯晉寧人咸豐間諸生是書編次有法搜羅亦富讀之而盤龍山大要已可概見前有趙藩序收入雲南叢書二編

治河要訣

清林紹清撰紹清字文伯昆明人同治癸酉舉人歷任直隸昌平州西路廳刑錢同知京師算學館監督德州機器局會辦保升知府以道員用即補是書於治河方法極得其要爲時所稱

邊防

緬甸始末二卷

明太保山樵逸撰永昌人不知其姓氏滇略道光志已著錄

使琉球錄二卷

明蕭崇業謝杰同撰是書四庫史部雜史類存目提要云崇業雲南臨安衛人隆慶辛未進士官至右僉都御史提督操江杰長樂人萬曆甲戌進士官至戶部尚書總督倉塲萬曆七年崇業爲戶科給事中杰爲行人司行人奉使册封琉球國世子尙永爲中山王是年六月渡海抵其國十月還閩因紀其行事儀節及琉球山川風俗爲此書大抵本嘉靖十三年陳侃四十年郭世霖二錄而稍潤益之明史藝文志載謝杰使琉球錄六卷此本止分上下二卷檢勘並無闕佚殆六字爲傳寫之誤歟

緬略一卷

明包見捷撰見捷事見明史及本志列傳是書收師範滇繫及王



崧雲南備徵志道光志已著錄

平臺紀略一卷

清唐時勳撰時勳號巨河嵩明人乾隆庚寅舉人官嘉義縣知縣劉大紳爲之序道光志已著錄

迎護越使南旋日記

清吳嗣仲撰嗣仲字春谷保山人道光己亥舉人歷官光化棗陽知縣升安陸府同知襄陽府知府署荆襄隕道是書自同治己巳六月朔三日至七月十六日後附越南陪臣黎峻阮思儻黃並和詩前有長沙熊少牧序後燕輶詩草敍中多以詩爲記

雜志

白古通淺述

新纂雲南通志

卷七十二 藝文考二 滇人著述之書二

一一一

元趙順撰順名由坦字順甫以字行宋燕懿王之後宋亡後爲雲南副都元帥府副使定居劍川是書見趙氏族譜

洱海叢談一卷

明釋同揆撰同揆字輪安雲南大理府文殊寺僧也四庫全書史部地理類存目提要云是書紀滇南未入版圖之先引隋書西海阿育國王仲子封蒼洱之間爲南詔之始祖其後世滅而復興者有蒙氏段氏高氏相承至明初始皆內附所載觀音大士結茅郡中及唐永徽後現身七化之語皆近荒誕以緇徒爲地志自張其教固所不免耳

南詔通紀十卷

明楊鼐撰鼐號敬庵太和人弘治己酉舉人官至黃州府通判是



書萬曆志明史藝文志地理類已著錄滇略誤作十六卷  
西征日錄

明楊一清撰一清見前奏議類是書丹徒陳慶年有跋收入雲南  
叢書二編

郡大記一卷

明楊士雲撰士雲見前經部樂類是書道光志已著錄  
武定或問

明繆文龍撰文龍字見甫號陽泉宣城人嘉靖辛卯貴州舉人戊  
辰進士官至雲南布政司參政時宣威尙屬黔也道光志已著錄  
葉榆檀林志八卷

明吳懋撰懋字德懋太和人嘉靖庚子舉人官至知州

大理府志

懋號高

新纂雲南通志

卷七十二 藝文考二 滇人著述之書二

一一一

河官至順慶府通判萬曆志已著錄

南詔野史一卷

舊本題昆明倪輅集成都楊慎標目滇中阮元聲刪潤前無序目  
後有崇禎六年姜午生跋云新都楊用修先生遊其地乃原其世  
系著爲載記滇中阮元聲霞嶼簡及斯記惜其佚脫欲更讎之以  
付剗刷而不言輅作今考書中敘事下逮萬曆十三年慎不及見  
跋又稱大略始於沙壹觸沈木而生九龍此書乃始於南詔星野  
其沈木一事僅附見於南詔源流按語中前後矛盾不可究詰大  
抵阮元聲之所爲倪輅楊慎皆依託也前半册逐條標目頗嫌叢  
瑣後半册大蒙國以下則歷紀蒙氏始據南詔以迄於段明頗似  
世家列傳之體末則總敘明代平定雲南始末而於歷代竊據諸



家皆稱其偽號偽諡尤爲乖刺元聲馬龍人崇禎戊辰進士官金

華府推官

四庫全書史部  
載記類提要

是書已收入雲南備徵志

竹龍紀錄

明李暘藻撰暘藻字涵白昆陽人貢生是書道光志已著錄

南都紀聞二卷

明文祖堯撰祖堯見前經部易類是書未梓而佚

三藍政譜

明楊兆衡撰兆衡字律濬浪穹人天啓甲子舉人官藍山縣知縣是書有貴州提學陳奇典序道光志已著錄

西行紀事一卷

清羅九鼎撰九鼎字小重號雲嶽安寧人康熙初歲貢生當吳三

新纂雲南通志

卷七十二

藝文考二 滇人著述之書二

一三三

桂叛時攜家避至大姚篇中言吳部下踐蹂迤西狀甚詳光緒續志已著錄

滇南文獻輯略

清遲奮翮輯奮翮字圖南昆陽人康熙間貢生是書道光志已著錄書已佚昆陽州志藝文錄其自序云因明季兵火頻仍故家大族與明運相終始而文獻無徵是以博採遺文凡有關於文獻者得片言隻語悉彙編爲小傳俾讀者想見其爲人欲借以正人心厚風俗之語惜其書不傳

羅平文獻

清吳尙友輯尙友羅平人康熙間貢生道光志已著錄

公車圖三卷



清萬貞元撰貞元字雲會號龍山建水人康熙壬午舉人官楚雄府教授是書係貞元應禮部試時所繪自建水至北京共三卷間附以詩經營慘澹具見苦心今僅存上卷一册其中下二卷已佚矣惜哉

坪陽逸史

清張漢撰漢見前本類省府廳州縣志是書道光志已著錄

滇乘二十五卷

清王思訓編思訓字疇五號永齋昆明人康熙丙戌進士官至翰林院侍讀是編自註歲辛未奉旨纂修雲南通志節使諸公專以付予予友趙千一佐之時限迫促疏於稽古採元明以來舊志成書稗野荒陋芟除不盡言尤雅者無幾深以為恨近閱經史子集紀西南事頗詳而志僅載十之一二因續編滇乘二十五卷間綴以詩聊當補亡云爾是書未見傳本詩見滇南詩略中道光志已著錄

滇雲歷年傳十卷雲南事略一卷

清倪蛻撰蛻本名羽字振九松江人晚慕唐劉蛻之為人易名蛻自號蛻翁初從巡撫甘國璧入滇至老買山於昆明西礪村遂占籍焉此二書道光志已著錄滇雲歷年傳蛻孫慎樞序之刻行於世收入雲南叢書雲南事略已收雲南備徵志

滇小記二卷

清倪蛻撰蛻見前條是書共二卷雲南叢書處得其下卷刊入叢書總纂趙藩爲之序其自跋謂仿周櫟園之閩小記然意各有在



原不從同軼事遺聞雖雜採方志亦有得自耳目之近者時雍正己亥蕃藏之役蛻在巡撫甘國璧幕中目擊將吏茫昧方輿恒怯畏縮而深慨緬藏之於滇如左右股不能甘痛癢於身外而記緬藏二程特詳計里按程羅紋掌上爲籌邊者備指南

滇南俗略續略獻略

清王思周撰師周字沛南鄧川人乾隆間諸生道光志已著錄

滇述

清趙瑗撰瑗字邁叔號檢齋昆陽人乾隆壬申進士官至河陝汝道道光志已著錄

迷陽野史

清楊鯤撰鯤阿迷人乾隆癸酉舉人官安福縣知縣道光志已著

錄

古越紀略

清何暄著暄字春谷南寧人乾隆己亥舉人光緒志已著錄

連然合編

清武丕文撰丕文字敬止一字熙園黑鹽井人道光志已著錄

滇繫四十册

清師範撰師範字端人號荔扉一號金華山樵趙州人乾隆甲午舉人初官劍川州訓導以卓異擢安徽望江縣知縣是書道光志清史藝文志稿皆已著錄第一二册爲疆域第三册爲職官第四册爲事略第五册爲賦產第六七册爲山川第八册爲人物第九册至十六册爲典故第十七册至三十五册爲藝文第三十六册爲



土司第三十七册爲屬夷第三十八九册爲旅途而以第四十册  
雜載終焉纂輯凡四年嘉慶丙寅成書而搜採材料實數十年範  
生平最經意之作也中間藝文雖多然多關掌故非漫無抉擇者  
可比前有錢塘費淳桐城姚鼐陽湖洪亮吉序及自序又例言十  
二則全書之要義揭焉後有自跋費淳序云余公餘繙閱竊喜是  
書綱舉目張簡而得要其首志疆域辨職官非若廣志南中志之  
僅誇方物也其次列典故徵藝文非若黔書閩小紀之不加區別  
也以繫命名彙册四十持論確而取義精姚鼐序云大理趙州師  
君天下才也工詩文明吏事仕爲望江知縣合生平聞見蒐輯雲  
南事類成演繫一書撰論古今之是非綜核形勢之利病兼采文  
物博考故實此史氏一家之美而君以吏治餘力成之豈非其才  
之過人而庶幾於叔皮之事者哉洪亮吉序云同歲生師君荔扉  
以名儒出宰望江克著循聲暇則銳意鉛槧其書之傳誦海內者  
已數十種今復成此考古證今由近溯遠其陳列利弊搜羅隱顯  
三邊之界畫廿郡之形勝以迄居中馭外之規自上達下之勢言  
言可垂之久遠事事冀見之施行非生長其地熟其山川井邑而  
又通達世務周知治術者能若是乎嘉慶丙寅刻於望江官廨之  
小停雲館光緒丁亥雲南通志館重刊收入雲南叢書

南詔徵信錄三卷

清師範纂範見前條是書乃其官劍川州訓導時所編自序稱南  
詔野史六卷楊文憲公就倪輅所輯稍爲編次終覺其支離荒唐  
鄙俚猥雜甲午乙未胡羨門旅寓榆城重取訂正刪存十之四五



壬子春楊孝廉南村檢示蓋嘗借鈔羨門者範遂錄存時復參以己意分爲三冊其大旨則用通鑑編年體人物古蹟紀事則倣襄陽耆舊傳洛陽伽藍記宋故宮錄之例支離者引而近之荒唐者削而遠之猥雜鄙俚者陶鎔而鮮潤之附以德化碑徵刻滇詩啓且易其名曰南詔徵信錄實而有據確而不誣滇人之求知滇事者可借以問津焉乾隆五十七年成書道光志已著錄書未見未知已刻否

### 滇蠻志略二十卷

清張履程撰履程號柏軒建水人乾隆壬子舉人官華陰縣知縣道光志已著錄

### 雲南備徵志二十一卷

清王崧撰崧原名藩字伯高一字樂山浪穹人嘉慶己未進士官武鄉縣知縣光緒續志已著錄是書道光戊子己丑間崧總通省志局事編纂之暇搜集前人紀載滇事之書六十一種彙爲一編名曰雲南備徵志總督阮元巡撫伊里布悅之以局中經費付梓前有宛平查林弁言咸同兵燹板燬呈貢秦光玉搜訪多年始得全部原本爲高等學堂教習日本江部淳夫索去光玉鈔錄副本宣統中代理提學使郭燦取用集字版印行葉爾愷陳榮昌有序收入雲南叢書

### 道光雲南志鈔不分卷

清王崧撰崧見前條道光間總督阮元倡修雲南通志聘崧總其成後元內調崧與繼任意見不協託嫁女辭歸收己所纂地理志



序圖說建置鹽法鑛廠封建邊裔土司等而自刻之名樂山集署浪穹王崧伯高舊名藩著門下後學同里杜允中註墨口尙未分卷殆甫刻而未通行故流傳絕少晉寧方氏學山樓藏僅缺鹽法鑛廠兩種

### 鳳山記一卷

清尹佩紳撰佩紳字銘室蒙白人嘉慶壬戌進士官廣東澄海縣知縣是書多載任澄海縣時文字政績略見一斑

### 滇南事略

清馬恩溥撰恩溥字雨農太和人咸豐癸丑進士仕終內閣學士兼禮部侍郎銜安徽學政是書記咸同亂事頗翔實

### 騰越杜亂紀實一卷

清曹琨撰琨字佩瑤號飯菴居士騰越人是書紀騰越杜亂起咸豐丙辰迄光緒丙子爲考掌故之重要者保山吳燾爲之序同邑革孚言李學詩保山吳燾吳煦題詞同邑李根源餘杭章炳麟呈貢胡裕培跋根源刻入曲石叢書呈貢秦光玉收入續雲南備徵

### 志

### 滇亂紀略

清張濤撰濤字海槎昆明人同治庚午舉人官南川縣知縣是書記咸同滇亂自咸豐六年丙辰夏亂作起至同治八年己巳秋八月省圍解止前有自序云茲之紀略特省城之大概耳濤生當其時雖屬大概尙翔實可爲信史已收入續雲南備徵志

### 南越游記三卷



清陳徽言撰徽言字炯齋別號石寶子劍川人諸生軍功保舉通判禦太平軍於江西東鄉力戰陣歿徽言伯兄宦粵常往省視伯兄歿復往奔喪料理身後居粵日多羈旅困頓時所著卷一山水古蹟異聞卷二風土物產卷三名賢軼聞瑣事漫識雖曰自遣之作然多有有用之言非尋常遊記可比前有李濂張維屏序及自序收入雲南叢書

### 武昌紀事二卷

清陳徽言撰徽言見前條是書紀咸豐二年太平軍初陷武昌迄清軍初次克復事時徽言僑寓武昌嘗建據江扼險策當事者不能用困居危城日擊其事紀載此編江忠源序稱其切中窾要非崎嶇戎馬留心兵事者無絲知可以見其品第矣收入雲南叢書

新纂雲南通志

卷七十二 藝文考二 滇人著述之書二

一一九

### 入秦日記一卷

清池生春撰生春字籥庭一字劍芝楚雄人道光癸未進士由編修官國子監司業廣西學政光緒志已著錄

### 乙巳東遊日記一卷

清陳榮昌撰榮昌昆明人字小圃一字虛齋晚號困叟光緒癸未進士歷官翰林院編修貴州山東提學使是編迺光緒乙巳年其赴日所記也自乙巳六月蒞日十一月歸國半年間在日考察政治教育實業軍事諸大端無不一一筆之皆當時革新要務記載綦詳有條不紊錢鴻逵爲之序付印於東京

### 職官類

### 仕學膚言三卷



明塗時相撰時相字揆字石屏人萬曆庚辰進士官至南京太僕寺少卿道光志已著錄

仕鏡

明王國治撰國治字涇陽號修吾保山人萬曆癸卯舉人官至刑部郎道光志已著錄

庸書

明陳士恪撰士恪字元敬楚雄人崇禎壬午舉人官宗人府經歷道光志已著錄

政書類

謚法二卷

明張志淳撰志淳字進之號南園永昌人成化甲辰進士官至南

新纂雲南通志

卷七十二 藝文考二 滇人著述之書二

三〇

戶部侍郎光緒續志已著錄

大成祀典輯要六卷

清樂恆撰恆字見可號固坪彌勒人乾隆壬子舉人官昆明縣教諭是書即官教諭時所輯者道光志已著錄

雲南銅志八卷

清戴瑞徵編瑞徵字雲章號華峰呈貢人嘉慶間由議敘官高要縣橫查司巡檢是編分廠地上下二卷京運一卷局鑄上下二卷採買一卷志餘一卷蒙化張登瀛序稱歷任方伯聘瑞徵勦銅政幾三十年以親歷周知信今傳後者勒爲一編在官爲考績之書在幕爲佐治之典洵經緯精華之提要也道光志已著錄

雲南銅政便覽



是編不載纂輯人姓名體例門類仍依戴瑞徵雲南銅志惟剪裁刪削去其繁文故以便覽名並將道光以後關於雲南銅政逐目附入光緒間槧行

目錄類

廣金石錄

清楊正青撰正青字相伍號半園太和人憲子乾隆間監生道光志已著錄詩略小傳云幼隨其父宦中州即通會計解吟咏喜購典籍酷嗜金石文字歸里後益肆力於五七言著有隨遊草廣金石錄中道遽殞其尊人每深西河之痛云

鼎堂金石錄二卷

清吳樹聲撰樹聲見前經部詩類是書卷一錄商周至五代之鍾

鼎敦觚觶爵戈鏹斗洗帶鉤佛座剛卯印瓦當鏡鑑凡四十五件卷二錄布刀錢貨凡一百三十品樹聲自刊於山東收入雲南叢書

史評類

鑑儀折衷

明蘭茂撰茂見前經部小學類是書萬曆志已著錄

讀史管見

明王廷表撰廷表字民望阿迷人正德甲戌進士官至四川按察司僉事天啓志已著錄

史記評林

清李天秩撰天秩楚雄人康熙庚午舉人道光志已著錄



讀後漢書

清傅爲訥撰爲訥見前經部禮類光緒志已著錄  
寡過齋讀史心得

清宋家善撰家善見前經部書類是書光緒志已著錄

滇史論一卷

清遲祚永撰祚永見前地理類省府廳州縣志項是編述滇中事  
爲文凡十有二篇起唐虞訖明凡六篇形勝食貨官師兵防邊圉  
文獻各一篇大抵掇拾各史志貫穿成文鮮所考訂也

讀史說

清任榮堦撰榮堦見前傳記類是書光緒續志已著錄

讀史論略

清張昶撰昶賓川人道光丁酉舉人官鞏縣知縣光緒志已著錄